

Lema: "Hosanna"

3º Premio

X. Carlos Gómez Alfaro

CANTIGA PARA ROUBA-LO CORAZÓN  
DO NENO DE BEGONTE

Nadal, 1988.

CANTIGA PARA ROUBA-LO CORAZÓN  
DO NENO DE BEGONTE

En Begonte, meu Neno Deus,  
alá en Begonte,  
lonxe das grávidas gangrenas,  
lonxe das tiranías e das cruces,  
moi lonxe de monzóns e favelas  
tan só encadeados á morte,  
non, non quero,  
non quero que te quedes sempre.

Quérote noutros ventos,  
noutros portais talados  
polas flamas da fame,  
noutras xeografías mouras  
onde o lume as ás todas  
abrasa, noutros peitos  
sen faro e sen espigo  
que xiran na espiral das tebras.

Quérote feito apertas  
e soles  
e camiños  
e alboradas sen guerras  
e xunglas de xustiza e lúa  
aló onde o tam-tam vai

sementando un rosario  
de seguras e cálices.

En Begonte, meu Neno Deus,  
naquel berce de hosannas,  
naquela celestial celiña  
onde cada Nadal renaces  
entre mil panxoliñas  
de fe e liberdade,  
non quero, meu Amado,  
non quero que te quedes sempre.

Heite levar comigo,  
heite levar por selvas,  
sabanas e desertos,  
por tódolos avernos eses  
onde as ánimas penan  
e finan de xeonlllos,  
porque en Begonte non tes xa  
a quien curarlle más feridas.  
Heite levar para sempre.